

重修臨潁縣志卷十一

陳垣東園

邑令陳俊冊襄重修

楊酉桂光辰

列女志

順治志綱常之際名教係焉然而其遇不一也求其俯仰無愧惟君子爲然耳而可責之婦人女子乎彼夫孝以致誠順以明貞謙以職志雞鳴鹽漱敬謹是飭幸矣乃往往志節所奮守義不渝時

勢所迫甘死如始又或焚香割股灑血乞師回生起死轉危爲存巾幗之間不愈重于綱常與志列女

漢

荀采字女荀潁川荀爽之女南陽陰瑜妻也聰敏有才年十七適陰氏十九產一女而瑜卒采時尙豐少常慮爲家所逼防禦甚周後同郡郭奕喪妻爽以采許之因詐稱病篤召采采不得已歸懷刃自誓爽令侍婢奪其刃扶抱載之勅衛甚嚴采旣到郭氏乃僞爲歡悅之色命使建四燈盛妝飾請奕入相見共談不輟奕敬憚之不敢逼至曙而出采因勅左右辦浴旣入室而掩戶以粉書扉上曰尸還陰陰字未及成懼有來者遂以衣帶自縊左右翫之不爲

意比視已絕時人傷焉

蔡氏穎陰鄭子羣後娶以代陳氏者也陳氏素著節操及間關來蔡氏下之如嫡庶然子元釁事陳以嫡母禮陳喜曰是識尊卑大小之分者可以爲子矣怡怡終身人無間言

魏

臨穎荀盼妻鍾氏者鍾繇之女孫也生子勗而盼卒鍾守志不移勤女工兼教子依父族以居勗後顯貴而晚節實多可議有媿母教矣

晉

元帝女潯陽公主適臨潁荀羨羨時年十五不欲連婚帝室遁去監司追不獲已乃出尙主主雍穆遵婦道不以尊貴驕人羨乃安之後羨著功青齊爲晉名臣內助之賢良足多也

荀崧小女灌幼有奇節崧爲襄城太守爲杜曾所圍力弱食盡欲求救於故吏平南將軍石覽計無從出灌時年十三乃率勇士數十人踰城突圍夜出賊追甚急灌督厲將士且戰且前得入魯陽山獲免自詣覽乞師又爲崧書與南中郎將周訪請援仍結爲兄弟

訪卽遣子撫率三千人會石覽俱救崧賊聞兵至散走灌之力也
豐林按晉書荀崧傳崧爲襄陽太守時遣主簿石覽將兵入洛修
復山陵以勳進爵舞陽縣公遷都督荊州江北諸軍事平南將軍
鎮宛爲賊杜曾所圍石覽時爲襄城太守崧力弱食盡使其小女
灌求救於覽及南中郎將周訪訪遣子撫率兵三千人會石覽俱
救崧賊聞兵至散走云云其文與此稍異仍從崧傳爲是

文帝美人荀氏臨穎荀羨族女也生桂陽王休範範素凡訥少知解
不爲諸兄所齒遇明帝常指左右人謂王景文曰休範人才不及

此以我弟故生便當貴釋氏願生王家良有以也明帝晚年諸王皆見害唯休範謹澀無才能不爲物所向故得自保而常懷憂懼恆慮禍及及明帝宴駕主幼時艱近習用事休範自謂宗戚莫二應居宰輔事既不至遂有異謀休範始封時美人進位太妃及見其怨憤嘗教戒之太妃薨休範竟以反誅

豐林按宋書桂陽王休範者文帝第十八子也孝建三年年九歲封順陽王大明元年改封桂陽後以驃騎大將軍都督越州諸軍事人有行過尋陽者莫不降意折節傾身接引厚相資給於是遠

近同應從者如歸母苟太妃薨葬廬山以示不還之意

明

崔氏張鑰妻也鑰父官於鉅野鑰卒父棄官歸崔年二十二撫藐孤矢志不二從翁俱歸晝夜勤女工子騰數歲親課之讀夜漏燈殘機聲與書聲猶相應每泣謂騰曰祖之棄官吾之守志皆爲汝也可不學乎騰益奮志爲孝子爲宿儒母教也崔年八十四以壽終李氏張綱妻也歸一年綱卒李年纔十六有遺腹三月生子義隣嫗哀其少諷之嫁李哭曰是何言也若視吾以禽獸是何言也未幾

舅姑相繼歿李益焚焚無所依鹽米且弗給食貧茹苦不二其志
義長漸能雜作以田產起家生子六人亦皆成立李年七十寢疾
召子孫謂之曰吾十六寡豈意見白頭子繞膝孫耶可以見汝父
地下矣

邢氏經歷曙之次女義官彭世字繼妻也幼婉慧曙以女誠誨之于
歸能執婦道年二十六夫亡前室子方數歲已生一女在襁褓遂
屏絕鉛華親絲枲撫育子女皆成立孀居四十餘年閨門整肅爲
戚儔所欽慕

趙氏經歷邢曙季子文之妻年二十四而寡有子甫二歲遺腹三月復舉一子趙母憐之欲奪其志遂剪髮毀容矢不二心宏治中舅氏曙尙在堂二孤俱成立命之名曰貞曰節表婦賢也趙年八十

劉福妻王氏

關

宋鉞妻劉氏

關

張元鳳妻孫氏

關研岡杜氏稱三婦早寡守貞不三

魏氏處士繡女生員趙芝妻也芝故魏年二十七欲殉姑譬之曰赴死易撫孤難也魏曰敬諾操作如平時父繡憐其少欲逼之嫁防

之力終繡之世未嘗一履其門或以定省不可缺魏嘆曰事有常亦有變吾豈得已哉食貧茹苦人所不堪魏甘如飴也壽至八十五歲

王氏舉人賈繁妻生子昭年二十餘而寡苦節教子勤儉終身一時人皆稱嘆享年七十五歲

趙氏知州景鸞女生員谷序妻也年二十七而夫故哭謂諸子曰天塌矣所賴以頂天者汝等耳可不勉乎吾與汝等共勉之主持家教嚴而有法享年七十歲

尙氏舉人高尙禮妻年十九生子二霓方四歲需在襁褓而尙禮疾革謂婦曰我死矣汝少艾當如何尙以立孤守死自誓及子稍長教以幼儀且勗之曰汝等寡婦子無矩度爲人笑貽父恥矣伯利其嫁尙不可而冰操愈勵閨門整肅以時祀先皆有儀節伯亦化之其擔任之大如此享壽百齡人以爲盛德所感云

趙氏知州景鸞女布衣谷齊妻也年十七歸齊生子濟美齊卒戚鄰哀其少或諷之卽數日不食期以死殉家人防之力不得聞乃守志撫孤終始不渝後濟美子孫之盛甲於一邑天之報施貞節有

以也

張氏勅封中書舍人賈曄妻大理寺寺副鑰之母也年十四歸曄生子鑰曄卒張年始十七守節撫孤白首完貞嘉靖癸丑河南撫按旌其貞節以子鑰貴勅封孺人享年七十九歲

成氏邵從善妻年二十夫故抱幼子立志守節成父景隆成其志收養之五十餘年院道旌曰貞同金石操愈冰霜

孫氏李璿妻青年守節撫孤子秉彝成立一門賢孝院道以節孝兩全旌之

呂氏處士陳金妻幼年喪夫撫遺孤甘貧茹苦終其身如一日子大化以至孝稱

宋氏壽官宋良女劉尙恩妻年十九夫亡一子甫八月姑欲奪其志宋抱遺孤依母家冰蘖勵操終身無改

李氏劉瀛妻生子四人年二十七夫故甘貧勵節勤力紡織嚴訓子入邑庠者二人

姚氏處士袁恩尙妻節壽兼全鄉里重之

趙氏孫行妻夫故苦節撫孤

趙氏賈著妻夫故甘貧守節四十餘年壽踰七十

李氏晁相妻年二十二夫故孀居教子一門嚴肅

王氏譚棟妻夫亡時年十九苦節終身

魏郊妻王氏 闕

尙流妻呂氏 闕

劉芹妻張氏 闕

丁志德妻閻氏 闕

趙選妻黃氏 闕

朱子南妻張氏 闕

韓廷臣妻段氏 闕

田野妻銀氏 闕

郭拱妻羅氏 闕

賈顏妻徐氏 闕

史劉柱妻王氏 闕

郭藻妻謀氏 闕

楊武光妻劉氏 闕

張楊妻黃氏 闕

邢思賢妻師氏 闕

徐廷表妻岳氏 闕

秦治隆妻賈氏 闕

陳燦妻李氏 闕

舉人王守訓妻谷氏 闕

張相妻王氏 闕

郭守宗妻李氏 闕

宋儒妻李氏 闕

胡臻妻師氏 闕

邢思明妻李氏 闕

賈睨妻耿氏 闕

賈暖妻李氏 闕

谷知元妻袁氏 闕

趙孟妻陳氏 闕

王守諒妻田氏 闕